

INUIT ATAQATIGIIT INATSIARTUNI



UKA2023/133
9. novembari 2023
Mariane Paviasen

**Inuussutissalerinermut uumasullu nakorsaanut oqartussaaffiup
tigunissaanut alloriarnissap tullia suussanersoq pillugu apeqquteqaat
aallaavigalugu oqallisissiassatut siunnersuut.**

(Inatsisartuni ilaasortaq Aqqalu C. Jerimiassen, Atassut)

Oqaaseqaat:

Inuit Ataqatigiit sinnerlugit pingaarutilimmik oqallisissiorloq qutsavigaarput.

Septembarip arfernani sermitsiami atuarneqarsinnaasoq tassaavoq
Naalackersuisut uumasut nakorsaqarnerup inuussutissalerinermullu
oqartussaaffiup nunatta akisussaaffigilernissannut oqartussaaffigilernissaannut
nalunaarusiamik ukiaq manna saqqummiussiniartut.

Taassumap siuliani uumap qinigaaffiup aallartilaarnerani Naalackersuisut
siulittaasuata ammaanersiorluni oqalugiaatimini oqaatigaa akisussaaffiit
nunattta tigusimanngisaannik suliniuteqarnernimmi inuussutissalerinermut
oqartussaaffiup nunatsinniilernissaannut suliamik naalackersuisut
siunnerfeqarlutik suliaqartut.

Soorunami siunnersuuteqarsimatilluni utaqqikatanneq piusimassasoq
takorloorsinnaavarput 2019-imi siunnersuuteqarluni saqqummiussineq 2020-
imi saqqummiussisoqassasoq akuersissutigineqarsimavoq, qinersineq
nalunngisatitut aprilimi 2021-imi pivoq tamassumallu nalaanni suli
siunnersuutip akuerineqarsimasup naammassineqarsimangilaq.

Qinigaaffik una aallartittoq Naalackersuisut siulittaasuata siullermeerluni
oqalugiaamini suliamik ingerlatsinertik nalunaarutigaat, tamanna Inuit

INUIT ATAQATIGIIT INATSISARTUNI



Ataqatigiinniit nuannaarutigaarput Naalakkersuisummi suliamik pingaartitsinertik tassuunnakkut takutimmassuk.

Uumasut nakorsaqarniarneq ajornartorsiornaqaaq, paragraf 37-ikkut uumasup nakorsaqarniarnermut iliuuseqanissamik ujartuininni Naalakkersuisut uumasut nakorsassarsiortarsimagaluarnertik iluatsissimanngitsoq akissutaasa ilagaat.

Uumasut nakorsaatut atorfiit neqeroorutigineqartarsimasut piumaneqarsimanngillat. Atorfiit pilerinarnerusunngorsarnissaannut unammillikkaniit pitsaanerusementik neqerooruteqarsinnaanissaminnut periarfissagissaarnerutillugit neqeroorutiginiisaat anguniarneqarsinnaannginnerpa?

Assersuutigalugu Air Greenlandip Narsarsuarmi periusersimasaa tassaasooq aqutsisutut atorfillit marluusut qaammatikkaartumik suleriallutik qaammat ataaseq sulinngiffeqartinneqartarlutik ukiorpaalunngortuni ingerlasooq uumasut nakorsaannut neqeroorutigineqarsinnaasimannginnerpa?

Uumasut nakorsaanik pisariaqartitsilluinnarfiusuni pingaaruteqarluinnarpoq, kujataani uumasut nakorsaqarnissap pingaartillugu piaartumillu aaqqiivigissallugu suliassaq, aaqqiivigineqannginnera ilungersunarpoq, savat, histit, nersussuit, tutut tassaapput kujataani inuussutissarsiuqartut taakkunanngalu pinngitsoorneqarsinnaanngitsut qimmit, qitsuit kukkukuullu uumasuutigalugit inuussutissarsiuqartoqarpoq, uumasut nakorsaqannginnera ajalusoorluinnarluni pissagaluarpas uumasut nakorsaat marluk ukioq naallugu atorfeqartinneqarneraniit akisunerujussuusasoq ilimanaateqarluinnarpoq.

Qujanarpoq avannaani uumasut nakorsamik pissarsisoqarmat, Nuummi uumasut nakorsaat arlaqartut sulisinneqarput, taakku saniatigut namminersorlutik uumasut nakorsaat uumasunut nakorsiartarfimmik pilersitsinikuupput, periarfissaanerpa Nuummi uumasut nakorsaat

INUIT ATAQATIGIIT INATSIARTUNI



namminersorlutik oqartussat ataani sulisinneqartup sinerissamut
nuuneqarsinnaaneri?

Pisariaqartoq tassaavoq oqartussaaffiit angerlaassimangisatta
pilersaarusioneqarluarnissaat, piffissalersuinermik, siunnerfimmik
suliaqartoqartariaqarpoq, nammineq inatsisiliatsinnik inatsiseqarnissaannik,
aningaasalersorneqarnissaannik qanorlu suliarineqalernissaannik pilersaarummik
pisariaqartitsilluinnarpugut.

Qujavugut Atassutikkut oqallisissiaannut suliarineqalereersimasumut.